

Comunu de  
**Sètimu**  
Tzitadi Metropolitana de Casteddu  
Pratza Sandro Pertini n. 1 09040 Sètimu




C.F. 80004000925  
Tel. 070 76911 Fax 070 765687  
**giassu:** [www.comune.settimosanpietro.ca.it](http://www.comune.settimosanpietro.ca.it)  
**pec:** [protocollo@pec.comune.settimosanpietro.ca.it](mailto:protocollo@pec.comune.settimosanpietro.ca.it)


## DA CRAS SARDIGNA IN ZONA ARÀNGIU

Po mori de s'Ordinanàntzia de su Ministeru de sa Saludi, a partiri da domìngiu 24 gennàrgiu e po 15 diis, sa Sardigna benit classificada torra in ZONA ARÀNGIU.


Custu est su resùmuni in crutzu:

 **MOBILIDADI** : in sa zona aràngiu funt proibius, de siguru, is spostaduras intre comunus apitzus de 5000 abitantis ( e Sètimo ddu est) e intre regionis, francu po cumproadas esigèntzias de saludi, traballu o de stùdiu, ca craru depint essi giustificadas cun s'autocertificatzioni.

Chini bivit in is comunus asuta de 5000 abitantis, podit andai in àterus comunus intra de is 30 chilòmetrus, ma mai conca a su cabulogu de provìntzia.

 si podit, invècias, movi aintru de su matessi comunu. Is bìsitas a is amigus e parentis funt amìtias po non prus de duus personas (non faint parti de custu càculu is minoris de 14 annus e is disàbilis a carrigu).

 Butegas abertas.

 **BAR E RISTORATZIONI.** Po is bar e ristoranti at a essi permìtiu s'asportu sceti (po is bar fintzas a is 18.00) fintzas a oras de is 22.00 e sa cunsigna a domu chentza de limiti de oràriu.

 **PARRUCHIERIS E ESTETISTAS.**

Podint abarrai abertus is parruchieris e is tzentrus estèticus, in prus, craramenti, a totus is atividadis chi bendint benis de necessidadi.

 **TZENTRUS COMERCIALIS.**

Is tzentrus comercialis ant a abarrai serraus in is diis festivus e prefestivus e in acabu de cida, francu is atividadis, aintru de issus etotu, chi bendint benis de necessidadi.

### 🏠SCOLA e TEMPU LÌBERU.

Abarrant serraus museus, palestras, piscinas, tzìnems e teatrus, salas scumissa e bingo. Didàtica in presèntzia in sa scola elementari e mèdias, invecias in is superioris, in Sardinga, at a sighiri fintzas a su primu de friaxu sa DAD a su 100%.

### 🚲SPORT.

Permìtiu fai atividadis sportiva a s'ària (fintzas in is parcus pùblicos) e in generali a si movi aintru de su comunu insoru.

### ✖COBERRIFOGU.

Da is 22.00 partit su coberrifogu: proibiu calisiat spostadura, chi non giustificau da is motivus nomenaus innantis. Su coberrifogu est bàlidu fintzas a is 5.00 de amengianu.

